



Uffants gidan uffants: concert a Trun
Cun in concert da beneficenza han uffants sursilvans gidà uffants brasilians.

8



Roland Farrer – nov parsura da pumpiers
La radunanza da l'Associaziun grischuna da pumiers ha elegì Roland Farrer da Stiera sco parsura.

9

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuiria, tel. 081 920 07 10, fax 081 920 07 15

Jamna sontga – passadi denter passiuin e levada



■ (mc) La Jamna sontga ha entschiet dumengia da Palmas cull'entrada festiva da Cristus a Gerusalem. Da Gievgia sontga festivescha il pievel cristian la davosa s. Tscheina da Cristus cun ses giuvnals. Il Vendergis sogn sregorda la Baselgia dalla passiuin e mort da Niessegner Jesus Cristus e Sonda sontga sera festivescha ella la levada da mort en veta da Cristus. Divers usits profans regordan al cult paganil dalla primavera.

Onuro l'ingaschamaint da Peider Lansel

■ (anr/mfo) Peider Lansel d'aira poet, scriptur ed impustüt cumbattant per la lingua rumantscha. Sias ouvas sun uossa accessiblas al public. Que grazcha al seguond tom chi'd es gnieu chiuro e realiso da Rico Valär e püssas instituziuns chi haun sustgnieu in sia lavur. Cha que saja sto impreschiunant e captivant da gnir a cugnuscher la personalited Peider Lansel, disch Rico Valär da Zuoz chi ho retschercho in connex cun sia dissertaziun la vita, il penser ed il

cumbat per l'arcugnuschentscha dal rumantsch dal poet indigen. «Cumbain ch'el es mort già l'an 1943 al d'he eau imprais a cugnuscher in ün möd unic», disch il giuven chi ho stübgio romanistica cumparativa, rumantsch e litteratura francesa a l'Universited da Turich. In sieu licenziat ed in sia dissertaziun s'ho il giuven indigen dedicho a l'ouura ed a la persuna da Peider Lansel.

> PAGINA 11

Sfida unica per Clau Jenal: Agent secret pel militar

In dals ultims commembers da la «P26» quinta da sia lavur

DA MARTINA FOTANA / ANR

■ Chi nu saja simpel da discuurrer da la «P26», disch Carl Jenal da Zernez ed as referischa al scumond total ch'el vaiva sco commember activ da l'organisaziun secreta dal militar svizzer da far quai. Ill'età da 98 ons e davo tschinch ons ch'el es gnü a savair cha si'incumbenza speciala es a fin, das-chal uossa però tradir alch detagls. Il dovaier da proteger la Svizra cunter pusanzas da l'ester ha occupà a blers commembers dal militar svizzer. Uschè eir a Carl Jenal da Zernez. El, pauc activ ill'età da 98 ons, s'algora bain a quella sfida. «I d'eira captivant da lavurar per l'organisaziun da militar secreta», disch el. Chi haja dat ün lung temp ingio cha gnanca sia famiglia nu savaiva da si'incumbenza speciala. «Dad esser üna persuna 'normala' e far d'agent sainja ch'ingün bada alch, d'eira la premissa per mia lezcha», argumentescha'l. El ha prestà gugent la lavur – eir sch'el nun ha mai pudü discuurrer cun ingün



Carl Jenal da Zernez muossa seis diplom da «Commember da l'organisaziun da militar secreta P26». FOTO M. FONTANA

lasupra. Hoz, davo set ons cha l'instituziun secreta da l'armada svizra es gnüda abolida per el ufficialmaing, das-chal far quai. Chi nu saja adüna stat simpel dad esser ün agent secret: Cha'l dovaier dad esser «üna pitschna roudina chi pissera per la protecciun da la Svizra» cunter influenzas da l'ester

til haja però adüna dat forza e la persuasiun da far il dret. Uossa vuless l'hom da 98 ons ch'eir la giuventüna gnia a savair cha la Svizra haja fat e fetscha amo adüna tuot pel bainstar da sia populaziun.

> PAGINA 12

Franco Tramèr duai rimplazzar Duri Bezzola

■ (mc) Franco Tramèr, l'advocat e notar da Samedan duai daventar il nov president da la SRG SSR Svizra Rumantscha. Quai propona la suprastanza a la radunanza generala che elegia u reelegia ils organs da la SRG.R, quai ils 2 da zercladur a Scuol. Tramèr ch'è dapi il 2009 commember da la suprastanza duai succeder a Duri Bezzola ch'è dapi il 2006 president da la SRG.R e che sto remetter ses uffizi tenor statut en l'onh ch'el accumplescha il 70avel anniversari. Ton Bezzola sco Tramèr èn Ladins e fan part dal Parti liberal.

Ils quatter ulteriurs commembers da la suprastanza duajan vegnir reelegids per la perioda d'uffizi 2013 en fin 2016, quai èn Beatrice Baselgia, Duri Blumenthal, Gion Cola e Donat Nay. La suprastanza da la SRG.R sa cumpona da nov da 5 enstagl da 6 commembers.

> PAGINA 2

Per la secunda ga

Turbulenzas politicas a Sagogn

■ (anr/gv) Per la secunda ga enteifer treis onns ha il president communal Flurin Panier fiers la faultsch en canvau. Quei ha el fatg omisduas ga sin fundament dil mager resultat tier la reelecciun. Avon treis onns aveva el contonschiu silla vusch igl absolut pli ed il venderdis vargau han treis vuschs muncau. Cul president ei era il vicepresident Conrad Cadonau sereiratgs e la vischnaunca da Sagogn stat avon la medema sfida sco avon treis onns cura che treis sez en suprastanza eran vacants. Il president buca reeligiun resda d'in cumplot e numna quel legittims. Il cumplot demuossi denton il caracter dallas persunas.



Flurin Panier ei staus nov onns president communal da Sagogn. Il venderdis ha el fiers per la secunda ga la faultsch en canvau. FOTO G. VENZIN

Reposchas fa Flurin Panier en emprema lingia al gerau Thomas Candrian che hagi menau il cumplot cun agid dalla giuventegna da Sagogn. Sco Flurin Panier ha detg enviers l'anr have-

vien ils consuprastonts suppliecau el e Conrad Cadonau da restar en uffeci, davostier denton agiu encunter sia elecziun.

> PAGINA 3

Nova incarica per Urban Maissen

■ (ac) Sper sia incumbenza sco menader digl Uffeci d'uual regional Surselva surpren igl inschignier forestal Urban Maissen sin l'entschatta october 2012 il post dil substitut dil selvicultur cantunal, Reto Hefli. L'entschatta mars ha la regenza grischuna confirmau sia elecziun. Bein resta il plaz da lavur dad Urban Maissen a Glion. Per puder ademplir sia nova incarica remetta il niveligiun substitut dil selvicultur cantunal entginas incumbensas enteifer igl Uffeci d'uual regional. Aschia retscheivan entginas vischnauncas sursilvanas ina nova persuna da contact tier l'administraziun forestala regionala installada a Glion.

> PAGINA 3



Servetsch d'abunents e da distribuziun: tel. 0844 226 226 mail: abo@suedostschweiz.ch

reclama

PROJEKT SCHAU
Die Messe im Markt.
Jeden Monat neu.

Wir zeigen **LIVE** wie's geht
6.4.-28.4.

Stein-terrasse bauen.
Für jeden Anspruch den richtigen Stein.

Karfreitag, 6.4.: geschlossen
Ostermontag, 9.4.: geschlossen

8854 Galgenen (SZ)
bei Lachen
Kantonsstrasse 61

Donnerstag, 5.4.: 7.00-17.00 Uhr
Karfreitag, 6.4.: geschlossen
Ostermontag, 9.4.: 7.00-18.30 Uhr

6014 Luzern Littau (LU)
im Littauer-Boden, Thorenbergstr. 49

HORNBACH

Es gibt immer was zu tun.

www.hornbach.ch